

PERSEVERA

Un página di kurashámentu i guia spiritual pa
miembran di Scouting Antiano



Yanüari 2013

Edishon 24 Aña 2

It is not particularly difficult to find thousands who will spend two or three hours a day in exercising, but if you ask them to bend their knees to God in five minutes of prayer, they protest that it is too long.

Bishop Fulton Sheen



You cannot please both God and the world at the same time. They are utterly opposed to each other in their thoughts, their desires, and their actions.

St. John Mary Vianney

By giving yourself to God, you not only receive Himself in exchange, but eternal life as well.

St Francis de Sales


Un Aña Nobo.....

Un aña nobo ta un regalo di Dios Kreador, ku ta ofresé 365 dia pasobra E ta stima nos i E tin hopi konfiansa den tur e kosnan bon ku nos por hasi.

Amigu, pensa bon, durante 8760 ora nos tin chèns pa sirbi i stima otro. Di bo mes ta dependé si bo ta duna bo tempu sentido, si bo ta traha den Amor, Hustisia, Fe i Bondat. Stima awor i skohe a parti mihó.

San Agustin tabata bisa: "Birtutnan ta hasi nos tempu bon i bisionan ta hasi nos tempu malu."

Mira bo pasado solamente pa sa kousa di bo erornan pa bo drecha nan. No mira atras den bo bida pa lamentá òf tira kulpa riba bo mes. Wak bo pasado i rekordá bo logronan, sinti bo animá.



**PERSEVERA PA PROGRESA DEN BIDA!
MIRA FUTURO ALIMENTA KU IDEALNAN DI ENTREGA I KARIDAT!
BIBA BO PRESENTE I DISFRUTA BO ORANAN DI KADA DIA!**

Orashon: Señor, duna mi lus i forsa tur dia pa mi por sirbi Bo mihó den mi bida. Duna mi un kurason di disipel pa mi no perdè kurashi den momentunan di kalamidat i sembra fe i konfiansa den Bo.

Deseo.....

Ku komienso di un **Aña Nobo**, nos ta ekstendé ferviente deseonan pa bienestar di henter nos pueblo.

Deseo – pa forsa i salú, dedikashon i perseveransia, pa adelanto den nos bida priva, pa adelanto di nos pais.

Deseo – pa nos tur kontribuí na halsa moral i desensia riba nivel individual i nashonal.



Deseo – pa nos nabegá den tur tempestad ku kurashi i fe, ku pa medio di nos esfuersonan, mañan lo ta mihó ku ayera.

Deseo – pa nos haña mira ki oportunitad tin pa desaroyo den kada difikultat ku por presentá.

Deseo – pa porfin nos siña stima nos isla i stòp di mancha su kara ku sushedat, lokual ta bèrgwensa pa kada habitante di e pida baranka aki.

Deseo – pa kada siudadano konosé e plaser i satisfakshon di un trabou bon hasi i e orguyo di un obra akabá debidamente, for di e puesto di mas agradabel, te esun di mas fastioso.

Deseo – pa nos sa di gosa di kosnan simpel ku bida ta ofresé, sea ta bientu fresku, un mata na flor, un sonrisa riba kara di un mucha inosente.

Deseo – pa un kompartí ku otro tur loke esun tin na mas sabiduria, mas eksperensia, mas materia.

Deseo – pa aña aki, riba nos isla, nos sa di: respetá mas, apresíá mas, stima mas duna mas.

Keda semper kontentu den Señor! Mi ta ripití: Keda kontentu! Laga tur hende mira kon amabel boso ta. Señor ta serka! No preocupá pa nada, ma den tur sirkunstansia presentá boso petishonnan na Dios den orashon i semper ku gradisimentu. (Filipensenan 4:4-6)